

Canarien. Confirmationis Capituli Prouincialis.

Eñe, & Rñe Dñe. **T**erminato Officio
Prouincialatus

Provinciæ S. Claræ de Monte Falco Insularum Canariensium Ordinis S. Augustini per P. Magistrum Ioannem Sirac, cum ad noui Prælati, seu Prouincialis electionem iterum deueniendum esset de mense Aprilis 1714. , Hinc congregatis omnibus Vocalibus, seu Electoribus in Conuentu S. Spiritus Ciuitatis Lacunæ, iuxta Conuocatoriâ eis præcedenter legitimè factâ, nemo prorsus contradixit, nisi Fr. Angelus Fernandez de la Cruz, qui nec Vocalis erat, neque de gremio Capituli, & eius exemplo contradixerunt quoque idem P. Ioannes Sirac Prouincialis absolutus, de anno præterito è viuis ereptus, & Ex-Prouincialis P. Magister Ioseph de Aguilera; Primus protestando nullam electionem instantaneè faciendam, nempe ob sibi occultatas litteras P. Generalis, in quibus, assererat, fuisse nominatum in Præsidentem dicti Capituli, *Summ. Num. 1.*; Et rursus protestando inualidam electionem, quatenus electio ipsa caderet in Subiectum, seu Religiosum, qui munus Prioris, seu Regentis non exercuisset, contra formam *Text. Constitutionum part. 3. cap. 9. §. 6. Summ. Num. 2.*; Secundi verò de nullitate dixerunt, nedum quia ad electionem concurrebant, Conspiratores, & Rebelles, ob rebellionem contra Prælatum Superiorem inceptam à sex mensibus antea, ad instigationem P. Magistri Fr. Gasparis de Herrera in Conuentu de los Realexos, & postea persecutam vsque ad vigiliam aperitionis Capituli in Conuentu Tacorontis, verum etiam quia suffragabatur dictus P. Magister Herrera, tanquam apertè excommunicatus, ob occultatas dictas litteras Præsidentis à Reuerendissimo P. Generali Ordinis datas, *Summ. Num. 3.*. Quæ omnia cum visa fuissent nimis frigida, & vndequaque fabulosa, ex quo neque folum veritatis habebant, die præfixa, seruatis prius omnibus de iure præmittendis, iuxta earundem Constitutionum præscriptum, totali, & omnimoda quiete processum fuit ad electionem, vbi ex suffragijs decem, & nouem, quæ enumerata fuerant, nemine prorsus contempto, P. Præsentatus Nicolaus à Diuo Iosepho, & Torres habuit vota duodecim, P. Magister Herrera vnum, & P. Præsentatus Ioannes à Diuo Iosepho sex reportauit suffragia *Summar. Num. 4.*

Tali modo dictus P. Præsentatus Nicolaus à Diuo Iosepho electus, statim confirmatus fuit, & ab omnibus in Prælatum Prouinciæ recognitus *Summ. eodem Num. 4. list. A.*; Itaut ab illo instanti, vsque in præsens, pacificè, & nemine altero reclamante, Officium
A suum

suum exercuerit.

Cum autem ex intimatione Capituli Generalis, quod in mense Maio proximè præterito 1717: celebrandum erat licèt postea de mandato Sanctissimi suspensum, idem P. Prouincialis iter assumpserit Romam versùs, ad effectum in illo suffragandi, secum quoque tulit acta Capituli pro reportanda à Superiore Generali Ordinis eorum confirmatione, & approbatione, iuxta spiritum propriarum Constitutionum, quam tamèn antecedentèr iustis de causis prætermiserat, scilicèt ex notis impedimentis, & prohibitionibus factis per suspensionem commercij; Talitèr quod licèt Capitulum ampliùs non celebraretur, tempus quantumuis minimum vòquàm non præterijt ad dictam confirmationem sollicitandam; Plaudente etiàm dicto P. Angelo Fernandez Oppositore, qui præuentivè Romam appulerat, in spem erectus, decisionem assequendi à P. Vicario Generali, & PP. Assistentibus Religionis pro omnimoda infirmatione, & Capituli nullitate.

Diù stetit, hoc est, serè per tres menses talis altercatio, seu instantia penès Religionem, vbi in diem pulsabatur à P. Prouinciali electo pro ea definienda, vt Capitulum semèl aliquandò remaneret vel confirmatum, vel infirmatum. At agnoscens dictus P. Angelus, post dictum tempus, quod Religio inclinabat pro omnimoda Capituli confirmatione, studuit modis omnibus illius evitare iudicium. Et de facto propè finem mensis Augusti proximè præteriti tempore, quo penès eandem Religionem per ipsum reduplicabantur Instantiæ pro dilationibus extorquendis, nè determinata decisio fieret, citationem transmisit coram R.P.D. Auditore Sanctissimi pro controuersæ auocatione à Superioribus Ordinis, eiusque remissione ad hanc Sacram Congregationem, eo sub obtentu, quod inibi radicata existisset vsque de mense Februarij anni 1716., ex quo expositione facta nomine Regis Catholici apud EE. PP., quod in dicta Prouincia Canariensi plurima vigeant inconuenientia, & discordiæ, ob quæ maximoperè commota erat, hinc Sac. Congregatio ad debitum super his malis inchoandum remedium, sub die 14. Februarij eiusdem anni 1716., referente Eminentissimo Cardinali S. Priscæ, rescripserit = *Episcopo Canariensi, qui cum facultatibus Sacre Congregationis provideat vsque ad Capitulum Generale in omnibus, & certiores Sac. Congregationem de executis.*

Reportato proindè per eundem Aduersarium fauorabili Decreto super hac remissione petita ad hoc Sacrum, Supremumque Tribunal, incontinenti P. Prouincialis suas promouit Instantias coram Eminentissimo S. Priscæ, vt controuersia quantò citiùs proponeretur, quod tamèn obtinere non valuit, ob impedimenta dicti Eminentissimi Pontentis. Intereà superuenerunt seriæ autumnales, quibus elapsis, ab eodem Eminentissimo D. Cardinali S. Priscæ ad Eminentissimum D. Cardinalem Gualterium transmissa fuerunt lura, & Po-

& Potentia, vt eius nomine Causa proponeretur, nè diuinius Partes expensas Romæ subirent; Ità, & taliter, quando sperabatur sine alia oppositione, fore deueniendum ad Causæ propositionem, idem P. Angelus nouam posuit in Campo prætensionem, eam villo modo fieri non posse, nisi expectato prius responso, & requisita certioratione Episcopi Canariensis, super quo mordicus sese opposuit, omnem mouendo lapidem, nè ad vltiora procederetur; Cùm autem nimis apertè agnitum fuerit, totum fuisse, & esse directum, ad merè procrastinandum, & defatigandum suum Superiorem Prouincialem, hinc descripta Causa in folio, præiis pluribus monitionibus, ex consueta Iustitia PP. Emorum firmitèr speratur, fore rescribendum pro dicti Capituli confirmatione.

Quamquam enim, vt supra præmisimus, in Capitulo tres solum protestati fuerint, nempe Fr. Angelus Fernandez de la Cruz, P. Ioannes Sirac Prouincialis absolutus, & Ex-Prouincialis Ioseph de Aguilera, & cæteri omnes neque os aperuerint, eorumque protestationes fuerint directæ ad illa tria, hoc est, ad ass. occultationem litterarum Præsidis P. Generalis, quod non eligeretur Religiosus, qui non fuerit Prior, aut Regens, & tandem quod suffragabantur inhabiles, hoc est, qui fuerunt Rebelles, & Conspiratores contra proprium Prælatum, vt in *Summ. Num. 1. 2., & 3.*

Nihilominus hodiè tota contradictio super asserta huiusmodi nullitate Capituli restringitur in vnico, & ad vnicum dumtaxat Oppositorem, nempe ad dictum P. Magistrum Iosephum de Aguilera; Quandoquidè P. Prouincialis absolutus Ioannes Sirac ex hac vita migravit de anno præterito propè finem mensis Decembris 1716., vt est in confesso apud Partes; Secuto enim eius obitu, omnis oppositio, ac prætensio expirauit, P. verò Angelus Fernandez Romæ Contradictor, iste nec vocem habuit, nec locum in Capitulo, adeoque tanquam Extraneus, sicuti nullum habuit interesse, restrictum solum ad illos de corpore, & Collegio, ità non valet vllam partem facere in hac contradictione, dando de nullitate electioni peractæ, & cæteris in Capitulo stabilitis propter ipsius protestationem ante electiones emissam, quando non erat de Collegio, & de illis, ad quos spectabat electio, vt in consimilibus terminis notat *Card. de Luc. de Iurepat. disc. 61. num. 22.*

Contradictio verò dicti Patris de Aguilera apta esse non potest ad reddendam nullam electionem, seu Capitulum celebratum, nisi ipso volente, aut comparente per se, vel mediante Mandato Procuræ in personam Alterius; Itaùt nullitas ab ipso opposita non possit per Alium allegari, nisi doceat de legitimis facultatibus, cùm respiciat eius interesse priuatum, & sit mera exceptio personalis, Alteri nequaquam communicabilis, etiam exclusiue ad ipsum Iudicem, qui neque ex officio facultatem habet attendendi protestationem, seu exceptionem datam à Vocali, quatenus idem Vocalis

lis super ea non insistat iuxta *Text. in cap. quod sicut de elect.*, *Lauor. var. lucubrat. tom. 1. tit. 4. cap. 17. num. 17.*, *Rot. coram Coccin. decis. 2021. num. 27. cum sequent.*, & *coram Rmo P.D. Ansaldo. decis. 52. num. 16.*, & *decis. 86. num. 8.*, & consequenter dictus P. Angelus, qui quoad se nullam habet vestem nuptialem pro facienda legitima contradictione aduersus nostrum Capitulum celebratum, respectu dicti Patris de Aguilera audiri nullo modo potest, nisi ostendat legitimum eius Mandatum Procuræ, ab ipso datum ad contradicendum, tantò fortius, qui sicuti non sufficit in Comitij Provincialibus contradicere, & protestari, nisi postea coram Superioribus verificetur Causa contradictionis, & quidquid oppositum fuerit ex notatis per *Crescent. decis. 2. de presump.*, *Rot. coram Coccin. decis. 1282. num. 4.*, & *5.*, & *in recent. decis. 611. num. 4. part. 1.*; Ità si non exhibetur eius mandatum, ad effectum verificandi oppositas nullitates, & protestationes, certum est, quod ab Alio præter Semetipsum fieri non potest, cum in hoc casu censetur fuisse renunciatum quicumque exceptioni, iuxta authoritates mox allegatas.

Absque eo quod obstat replicatio, protestationem exhibitam à dictis PP. Ioanne Sirac Provinciali absoluto, & P. Iosepho de Aguilera, fuisse factam, & conceptam etiam nomine aliorum Vocalium, quoniam non solum militat eadem responsio, quod si non exhibetur amplum Mandatum Procuræ Aliorum Protestantium, siue si in hodierna concretatione isti Cooppositores, quorum nomina adhuc ignorantur, personaliter non comparent, ipsorum protestationes habentur, ac si factæ non fuissent.

Verum etiam alia validior insurgit, quia de facto in eadem protestatione dictum fuit, ibi = *In nome di altri Vocali, che in douuta forma compariranno à suo tempo auanti il nostro Reuerendissimo P. Generale, ò in altro Tribunale, doue ci conuenga*, = *Summ. Num. 3.* Proindeque si isti alij Vocales Anonimi non comparent, & sese explicant, & non comparent in forma debita, & legitima, ibi = *In douuta forma*, = vtique non solum audiri non possunt, sed necessariò concludendum, quod protestatio ab eisdem PP. emissæ, Alios non comprehendit.

At ponamus etiam casum, quod omnes Relati, sint Contradictores, & Contradictores legitimi, oppositio P. Angeli Fernandez legitur in duobus actibus distinctis, in vno habetur, vt dictum est, quod electio non fieret in Subjectum, qui non fuerit Prior, & Regens, vtj disponunt Ordinis Constitutiones, & in altero, quod nullitate laborabat electio peragenda ob sibi occultatas litteras Præsidencie, in quibus ipse asserbat, venisse nominatum *Summar. Numer. 1.*, & *2.*

Circa primum, vt in Electo deficiat vna ex requisitis qualitatibus, & consequenter, quod fuisset ineligibilis, talis defectus deberet per

(eun-

eundem P. Angelum concludentèr probari, cùm præsumptio sit habere, & habuisse omnia requisita necessaria, iuxta *Text. in leg. quotiès ff. de reb. dub.*, & *leg. quotiès ff. de verb. oblig.*, *Abb. in cap. licèt Episcopus num. 3.*, & *seqq. de praben. in 6.*, ibique *Geminian. num. 12.*, *Passerin. de elect. canon. cap. 32. num. 69.*, & in *Albarracinen. Canonicatus 10. Maij 1700. S. Sed antequàm coram R.P.D. Molines.*

At tantùm abest, quod id probetur, vt illicò appareat de contrario, nam noster P. Præsentatus Nicolaus à Diuo Iosepho, & Torres fuit Regens, & Rector per plures annos continuos, cæteris omis- sis, in Conuentu S. Ioannis Baptistæ de los Realexos, vno ex pri- marijs Prouinciæ *Summar. Num. 5.*, ità, & talitèr, quod Definito- rium attenta lectura, seu Regentia exercita per annos 12. in Pro- uinciali Capitulo de anno 1711. eum postulauerit pro gradu Magi- sterij *Summ. Num. 6.*, & consequentèr quoad hanc partem reman- net sublata, & nullius roboris prima oppositio facta à dicto P. An- gelo, tanquam non verificabilis in Subiecto electo.

Circa verò secundum, quatenùs etiam verificaretur dicta ass. occul- tatio litterarum Præsidentis pro præsidendo Capitulo, hoc nullo modo influit, seu influere potest ad Capituli nullitatem, quoniam esset delictum particulare à Tertio commissum, cuius effectum, seu pœnam sentire, & luere non debent alij Electores, ad quod non concurrerunt, quia non consenserunt dictæ ass. occultationi. Ali- quam fecisset vim talis oppositio, quatenùs in publico Confessu, & in illa Adunantia fuissent litteræ P. Generalis circa dictam Præ- sidentiam præsentatæ, & non receptæ, seu debita religiositate non admixtæ; At quotiès illæ non comparuerunt, cùm in isto casu Constitutio Ordinis litteralitèr præscribat, Præsidentiam fore assu- mendam à Definitore antiquiore proximè præteriti Capituli Pro- uincialis, vt in *dicta part. 3. cap. 9. §. 2. num. 4. sub titul. de Cap. Prouinc.*, hinc in Præsidem deputatus fuit P. Præsentatus Ioseph de Vargas, cui omnes Vocales obedientiam præstiterunt *Summar. Num. 4.*

Et reuera, quod nullæ litteræ datæ, & ostensæ fuissent, patet ex eis- dem Actis Capitularibus, vndè constat, quod idem P. Prouincia- lis absolutus, qui postea contradixit idem Capitulum, omnibus Vocalibus præsentibus, & coadunatis, mandauit, quod si quis ha- beret à Reuerendissimo P. Generali litteras ad Capitulum direc- tas, easdem incontinenti proferret *Summ. dicto Num. 4.*; Cum- que nullo modo comparuerint, siue ex quo fuissent iusto motiuo retentæ, siue etiam indebitè occultatæ, semper legitimè dicendum est, fuisse processum ad electionem, & deputationem Prouincialis, iuxta formam præscriptam à lege peculiari Ordinis, quia non ex quo Alter occultauerat, (si ità verum erat,) suspendi poterat ce- lebratio Capituli, & electio Superioris faciendæ; Electoribus

enim circa eorum Ius exercendum sufficebat, quod dictæ literæ prolatæ non fuissent, ut locus esset formæ, & modo præscripto ab ipsis Constitutionibus in faciendo electionem, quando eadem literæ non concurrebant, Ultrà quod ex registro Ordinis constat fuisse à P. Generale in tempore reuocatas, ut ad libitum recognosci potest à dicto P. Angelo Aduersario,

Remanet modò respondendum alteri oppositioni, seu protestationi factæ à dictis Patribus Ioanne Sirac Prouinciali absoluto, & Iosepho de Aguilera. Exprovinciali, quorum præcipuus conatus erat, quod non votarent Conspiratores, & Rebelles, ob coniurationem à Pluribus factam aduersus proprium Prælatum, in Conuentu *de los Realexos*, & in Conuentu *de Tacoronte*, ad instigationem dicti P. Magistri de Herrera, qui eo minus suffragari poterat, tanquàm incursum in Censuras, dùm fuit ille, qui occultauerat prætenfas litteras Præsidentis, & ob id de nullitate dederunt aduersus electionem, ut suprâ secutam,

Et responsio est, omnia hæc resolui in apertissimam fabulam, dùm non solum ex aduerso non indiuiduantur, quot, & quales sint isti Conspiratores, verùm nullum documentum datur, & hætenùs exhibitum fuit, in quo consistat hæc asserta conspiratio, quomodò, in quem modum, & ob quam causam facta fuerit, itaut vsque nunc coactus sit P. Prouincialis, & cœteri Vocales allegare dictum *Gloss. in l. final. verb. Zenonis, Cod. de Ædific. priuat.*, respondentis = *Sed ubi est* = & sic stare mero dicto, & vocibus dicti Fr. Angeli, qui nihil prorsus verificauit, non solum apud hanc Sac. Congregationem, verùm etiam nec antè, nec post electionem, & consequenter deficit nobis modus, vltèriùs respondendi ex defectu contrariæ probationis; solum prouocando Partem Contrariam, ut verificet hanc exaggeratam Conspirationem adhuc existentem in Concauo Lunæ vnice allegatam ad faciendam merè impressionem, præsertim, quandò agitur de re tanti ponderis, & ab actis Capituli constat, Præsidentem alta, & intelligibili voce quemlibet de Capitulo requisuisse, ibi = *Si quis nouerit causam, propter quam vocem quis actiuam, vel passiuam habere non debet in presenti Capitulo, eam referat &c. aliàs enim sine vitio pertransibunt omnes electiones* = *Summ. d. nu. 4.*

Nob subsistit in facto, quod Pater Magister Herrera, accusatus de asserta occultatione litterarum Præsidis, eas poenès se verè retinuerit, renuendo facere exhibitionem in publico Confesso; quoniam ipsemet Prouincialis absolutus, vnus ex Accusatoribus, dixit, eas fuisse transmissas Matritum, ad effectum reportandi facultatem pro earum exhibitione, attentata prohibitione Commercij cum Reuerendissimo Generali Ordinis, & responsum fuisse negatiuum, *Summar, num. 1.*, ibi = *Se haueua riceuuto lettere di Presidente, il detta nostro Molto Reu. Padre Maestro Prouinciale assoluto disse,*
che

che haueua mandato le dette lettere alla Corte, affinche si passassero dal Regio Consiglio di Castiglia &c. ed in questo cauo fuori una lettera del nostro Padre Maestro Assistente delle Prouinsie di Spagna, nella quale gli dice; che in quanto alle lettere di Presidente, non era eseguibile il passo.

Aliæ nullitates non fuerunt adductæ, in Comitijis prouincialibus, Summar. num. 7., non obstante, quod in eadem protestatione P. Magistri Sicac., & Patris de Aguilera dictum fuerit, quod ipsi se se reseruabant, aliàs allegare nullitates coràm Reuerendissimo P. Generali Ordinis; quoniam quando istæ non continent indiuiduationem, & præcisam specificationem, & insertæ non sunt in actis Capituli, nedùm non merentur attendi, verùm etiàm de his habendum est iudicium, ac si factæ non fuerint, quia quæ non sunt in actis, dicuntur esse extrà mundum.

Agnoscent Aduersarij, destitutos fuisse omni genere probationum, ad effectum impugnandi nostri Capituli confirmationem, ideo totum eorum fundamentum reposuerunt, & reponunt, Controuersiam non posse resolui, nisi expectata prius Informatione Episcopi, cui scriptum fuit ab hac Sacra Congregatione de mense Februarij 1716. circa Inconuenientia, & discordias, quæ in illa Prouincia vigebant: At quid commune habet vnum cum altero? Independens enim prorsus est punctus super Confirmatione, vel Infirmitate Capituli, ab altero super assertis Inconuenientibus; quoniam potest stare benè simul, quod Capitulum fuerit validè celebratum, quod consistit, virùm seruata fuerint omnia de iure seruanda, & quæ præscribunt Sacri Canones, super quibus vnice inquirere debet Superior, vel Confirmator ad decernendam Confirmationem, iuxtà Text. expressum in Cap. Postquam de Elect., ibique Abbas Panormit. num. 1., Laurent. de Peirin. de Subdit. Relig. tom. 1. cap. 3. S. 6., quodque his non obstantibus, ex post superuenerint inconuenientia, & conuersiones inter Religiosos dictæ Prouinciæ, & sic confirmando, vel infirmando Capitulum, non tollitur, quod Episcopus non potuerit, vel non possit dare prouidentiam, & reconciliare animos, quatenus commotos ex nationalibus factionibus.

At Pars Contraria circa hoc versatur in solempni æquivoco, nam nomine Regis Catholici de dicto mense Februarij 1716. fuit expositum huic Sac. Congregationi; illam Prouinciā reperiri cum maximo diffidio, perturbantia, & discordijs, quarum origo inueniri non potuit, prò necessaria applicatione remedij, adeoque censuit, eidem Episcopo dandam esse Commissionem, vt posset cognoscere omnes Controuersias, & amaritudines, ac inuestigare earum causam originariam, Summar. num. 8. Et hæc Sac. Congregatio rescripsit, quod Episcopus Canariensis cum facultate Sacræ Congregationis prouideret vsque ad Capitulum generale in omnibus, & de

& de executis certioraret Sac. Congregationem .

Igitur est manifestum æquiucum , quod expectanda sit Informatio Episcopi , quia Sacra Congregatio eidem non imposuit , quod Informationem caperet , itaut ad propositionem Causæ deueniri non possit , nisi Informatione transmissa , sed rescriptis quod cognosceret , & prouideret , & de executis ipsam redderet instructam , *Summar. num. 8.* Proindeque vrget fortissimum dilemma , aut enim rescriptum Sacræ Congregationis fuit executioni demandatum , & cum hoc respiciat solummodò providentias datas ab Episcopo circa discordias , & Inconuenientia , præpedire non potest , quod Superior cognoscere non possit de validitate , vel inualiditate Capituli , cuius inspectio , & Iurisdictio dici vlllo modo non potest comprehensa in delegatione , quoniam Sacra Congregatio expressisset , dicendo vterius , quod Episcopus confirmasset , vel infirmasset Capitulum , licèt praxis aliter seruet , cum hoc sit semper reseruatum potestati , & Iurisdictioni Superioris maioris , neque controuersum à Parte Contraria , quæ solum prætendit , fore expectandam Responzionem . Et quod cognitio validitatis , vel inualiditatis Capituli Episcopo non fuerit delegata , depræhenditur magis clarè ab ipso rescripto Sacræ Congregationis , vbi quod etiam prouisio decreta fuit temporalis , & temporalitèr data , ibi = *Vsq; ad Capitulum Generale* = Talitèr quod Sacra Congregatio intellexit , quod si Generalis Ordinis confirmare , vel infirmare non potuisset , ex causa supradicta potuisset saltem Generale Capitulum .

Aut rescriptum huius Sacræ Congregationis adhuc executum non fuit , & potiori iure locus esse videtur Confirmationi nostri Capituli , quandò præsertim vtraque Pars Romæ reperitur ad hunc effectum . Altera se se opponendo Confirmationi ; Altera verò super eadem confirmatione præmendo . Antèposito oculis EE. VV. , quod etiam si decretum huius Sacræ Congregationis in diuersam formam interpretetur à Parte Contraria , est ferè biennium , quod emanauit , & vsque nunc vivitur sub incertitudine , non quod illud fuerit exhibitum penès Episcopum , sed vtrum eius saltem habuerit notitiam , quia nullus datur prorsus fumus illius exhibitionis ; quodque virtute ipsius ad aliquod manus admouerit Episcopus ; Certum , & indubitatum est , quod antequam discessisset Provincialis ab illis Insulis , quod fuit per mensem Februarij huius currentis anni suffragaturus in Capitulo Generali , Ipse coràm Superioribus protestatus est , ad manus Episcopi huiusmodi decretum , seu delegationem per vmbra non deuenisse .

Quod apertè venit verificatum , ex quo ad illas Insulas fuit transmissus Commissarius Religiosus Fr. Barnaba Barina cum litteris patentalibus Generalis Sommantici , in quem occurrit P. Provincialis , Romam veniendo , in Ciuitate Cadicensi ; Illeque præuio rogatu Notarij fuit monitus , & interpellatus , vt suspenderet suam
Com-

Commissionem ex duplici capite; Primo ob eius accessum ad Superiorem Generalem Ordinis, poenens quem de cunctis rationem reddidisset; Et secundo ut nullam, & inuallidam, attentam assumptione Delegantis ad apicem Episcopatus; Itaut post dictam assumptionem, cum ipse Delegatus, seu Commissarius adhuc uti non coepisset sua Iurisdictione, omnis, & quæcumque eius facultas prorsus expirasset, iuxta *Text. clarum in Cap. relatum 19. de offic. , & potest. Iudic. delegat.*, de quibus omnibus *Summ. nu. 9.* ex quo intertur, quod si Reuerendissimus Episcopus Canariensis saltẽ incoepisset providere necessitatibus illius Prouinciæ, utique dictus Commissarius Religiosus illuc demandatus non fuisset.

Et tanto magis; quando hodiẽ reperitur in illis Insulis, suam exercendo iurisdictionem cum infinitis scandalis, vsque ad obsidendum Conuentus, & peragendum hostilitates armatis Militibus, iuxta Testimonia, ultimo loco ex illis Partibus remissa, *Summ. num. 10.* Talitẽr quod Religio vltima die mensis Augusti proximẽ præteriti attentam præcipua nullitate, qua fuerunt expeditæ litteræ parentes super dicta Commissione, à dicto Generali Sommantico, eas in omnibus reuocauit, monendo Commissarium, quod quidquid earum vigore ab ipso perageretur, nullum illicd foret, & insubsistens *Summ. num. 11.*

Et tandem concurrit Epistola Regia scripta ipsi P. Prouinciali Canariarum, post rescriptum huius Sacræ Congregationis, hoc est 17. Octobris 1716. super restitutione Commercij, & consequentẽr quod ipse totam obedientiam præstaret suo P. Generali Ordinis, *Summar. num. 12.*, in qua præcipuẽ habetur, desiderium Regis Catholici esse, quod Superior confirmaret Capitula Prouincialia omnium Prouinciarum Hispaniarum, ibi = *Che sarà di molto mio Real'aggradimento, che subito confermi li Capitoli Prouinciali celebrati in tutte le Prouincie di questi Regni, e che tratti con Religiosa Paternal benignità li Religiosi di quelli* = Euanida proinde semper detegitur prætensio Partis, non esse deueniendum ad Capituli confirmationem, vel infirmationem, nisi Episcopus Canariensis prius respondeat ad hanc Sac. Congregationem, quoniam magis instituitur super hoc puncto, maiori veritate fit euidentius ex supradictis, quod Episcopus nihil hætenus peregit virtute rescripti huius Sac. Congregationis, & quatenus peregisset, prouisio capta inuoluere non potest validitatem, vel inualliditatem Capituli, vtporẽ quid distinctum, & reseruatum vel Religioni, vel huic Sac. Congregationi.

Quare &c.

Laurentius Nicolettus.

2000

CONGRUATIONS

Episcopatus, 20. 18. 18. 18.

Episcopatus, 20. 18. 18. 18.

GV AL TERIO

POMERIE

Episcopatus, 20. 18. 18. 18.

Episcopatus, 20. 18. 18. 18.

Episcopatus, 20. 18. 18. 18.

Episcopatus, 20. 18. 18. 18.

Episcopatus, 20. 18. 18. 18.

Episcopatus, 20. 18. 18. 18.

Episcopatus, 20. 18. 18. 18.

Sacra

CONGREGATIONE

Episcoporum, & Regularium

Emo, & Rmo D. Card.

GVALTERIO

PONENTE

*Canarien, Confirmationis Capituli
Prouincialis.*

P R O

*Admodum R. P. Præfeto Nicolao
Diuo Iosepho, & Torres Prouinciali
Electo Prouinciæ Canariarum Or-
dinis S. Augustini, & litis &c.*

C O N T R A

*Fr. Angelum Fernandez de la Cruz
litis eiusdem Prouinciæ.*

ACTA

Facti.

— Typis De Comitibus 1717